

Nos totekinan poco poco ta cabando



ORANJESTAD (AAN)--- Pa hopi hende, mira un toteki ta practicamente algo normal cu nan no ta pone demasiado atencion na dje, pero e realidad ta cu nos "Toteki" ta den un situacion hopi peligroso di extincion, ya cu e famoso boanan ta come nan diariamente y aki poco tempo quizas lo no mira esaki mas.

Pa colmo cu tin un tradicion cu ainda ta vigente y esey ta cu como mucha bo ta wordo bisa cu ora cu e toteki ta saca e sakito oranje bao su garganta, ta algo malo e ta bisabo y e custumber ta e pober bestia ta haya un piedra sin sa pakico. Ta di spera cu mas y mas nos siña cuida nos totekinan y no tiranan mata.